

Umsögn um drög að reglugerð um verndarráðstafanir vegna viðkvæmra hafsvæða og botnvistkerfa

Undirritaður leggst alfarið gegn því að stórum hafsvæðum við Ísland verði lokað fyrir handfæraveiðum.
Sérstaklega á þetta við um Hornbanka sem er NA af Horni.

Á bls 32, tölfu 4, í skýrslu Hafrannsóknastofnunnar sem liggur til grundvallar þeim lokunum sem reglugerðardrögin gera ráð fyrir kemur fram að Hornbanki hafi verið friðaður fyrir línu og togveiðum síðan 1993 og rannsóknir á botnlífriki með neðansjávarmyndavélum hafi farið fram á svæðinu 2004 og 2017.

Í ljósi þessa geri ég því ráð fyrir að svæðið hafi fyrst og fremst mikilvægt verndargildi í ljósi þessarar löngu friðunar fyrir línu og togveiðum. Enda kemur kemur eftirfarandi fram í skýrslu sem skrifuð að beiðni Atvinnuvega- og nýsköpunarráðuneytið 2017 þegar fjallað er um umrætt svæði:

“Verndun

Svæðið hefur verið lokað í yfir 20 ár, þó upphaflega hafi það verið mun stærra. Miklar botnvörpuveiðar fara fram nálægt svæðinu og á jöðrum þess. Hagnýt gildi samkvæmt OSPAR um verndun hafsvæða benda á að skoða eigi mögulegan skaða vegna mannlegra athafna. Því er ljóst að ef svæðið yrði opnað væri líklega tímaspursmál hvenær yrði farið yfir það með botnveiðarfærum. Þannig myndi það lífríki sem hefur náð að vaxa upp óáreitt undanfarin ár verða fyrir raski. Gögnum um botnlífriki hefur verið safnað tvisvar á svæðinu og nærliggjandi veiðislóð undanfarin 13 ár sem gerir svæðið að mikilvægu rannsóknasvæði. “Heimild: Svæðin innan landhelgi Íslands og viðkvæm vistkerfi tilv.:ANR17030129/11.1.4) (Bls 24)

Svæðið hefur aldrei verið lokað fyrir bátum sem stunda handfæraveiðar og slíkar veiðar því verið stundaðar á svæðinu í einhverju mæli, aðallega síðsumars og á haustmánuðum, allt frá því að svæðið var friðað. Handfæraveiðar ættu að mínu mati ekki að hafa áhrif á verndargildi svæðisins.

Einnig væri rétt að skoða þau gögn sem safnað var með neðansjávarmyndavélum 2004 og 2017 með það fyrir augum að meta hugsanleg áhrif handfæraveiða á svæðinu þ.e. fjölda tapaðra veiðarfæra og áhrif handfæra á botninn **áður en ákvörðun um friðun verður tekin.**

Mér finnst líklegt að sömu rök gætu átt við önnur svæði sem áform er að loka fyrir handfæraveiðum og legg til að horft verið til þess þegar reglugerðardrögin verða tekin til endurskoðunar.

Fyrir hönd HGÓ útgerðar ehf

